



Republika e Kosovës
Republika Kosova-Republic of Kosovo
Komuna e Prishtinës
Pristina Obstina-Municipality of Pristina



SEKTORI I PROKURIMIT - KABINETI I KRYETARIT

Bazuar në nenin 108/A paragrafi 10 nënparagrafi 10.2 të Ligjit nr. 04/L-042 për Prokurimin Publik lidhur me nenin 60 të Ligjit nr. 05/L-068 për ndryshimin dhe plotësimin e Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin nr. 04/L-237 dhe me ligjin nr. 05/L-092, si dhe duke u bazuar në nenin 61.3. lidhur me nenin 62 paragrafi 62.1 nënparagrafi d) si dhe nenin 63 paragrafi 63.1 nënparagrafi 63.1.1 të Rregullores (A01) nr. 001/2022 për Prokurimin Publik, duke vendosur sipas kërkesës për rishqyrtim të operatorit ekonomik "Agro Invest 1 shpk" të datës 14.11.2025 kundër njoftimit mbi vendimin lidhur me aktivitetin e prokurimit me titull "Ndërtimi i rrethojave të varrezave të Komunës së Prishtinës" me nr. të prokurimit 616-25-1830-5-1-1, Komuna e Prishtinës (autoriteti kontraktues) përmes zyrtarit përgjegjës të prokurimit nxjerr këtë:

V E N D I M

- I. **REFUZOHET** kërkesa për rishqyrtim e operatorit ekonomik "Agro Invest 1 shpk" të datës 14.11.2025 kundër njoftimit mbi vendimin lidhur me aktivitetin e prokurimit me titull "Ndërtimi i rrethojave të varrezave të Komunës së Prishtinës" me nr. të prokurimit 616-25-1830-5-1-1.
- II. **AUTORIZOHET** autoriteti kontraktues - Komuna e Prishtinës që të vazhdoj me aktivitetin e prokurimit të përcaktuar si në pikën I të këtij vendimi.
- III. **NJOFTOHEN** palët e interesuara lidhur me këtë vendim përmes publikimit në platformën elektronike E-Prokurimi në adresën <https://e-prokurimi.rks-gov.net>.
- IV. Vendimi hyn në fuqi në ditën e nënshkrimit.

Arsyetim

Operatori ekonomik "Agro Invest 1 shpk" (tutje "parashtruesi") me datë 14.11.2025 ka paraqitur kërkesë për rishqyrtim kundër njoftimit mbi vendimin lidhur me aktivitetin e prokurimit me titull "Ndërtimi i rrethojave të varrezave të Komunës së Prishtinës" me nr. të prokurimit 616-25-1830-5-1-1.

Gjatë shqyrtimit paraprak të kërkesës për rishqyrtim të parashtruesit është gjetur se kërkesa është e lejuar dhe është parashtruar brenda afatit nga personi i autorizuar si dhe nuk ekzistojnë pengesa tjera për të shqyrtuar kërkesën e parashtruesit. Në këtë mënyrë janë plotësuar kushtet për të vazhduar me shqyrtimin meritor (*in meritum*) të kërkesës.

Pretendimet ankimore të parashtruesit sikurse janë formuluar në kërkesën për rishqyrtim, manifestohen ashtu që kundërshtohen të gjitha arsyet për eliminimin e parashtruesit nga aktiviteti i prokurimit. Po ashtu ka prezantuar edhe disa pretendime kundër OE të tjerë sikurse në kërkesën e tij për rishqyrtim.

Sipas letrës standarde për tenderuesin e eliminuar, parashtruesi është shpallur si tenderues i papërgjegjshëm dhe është eliminuar për arsyet si në vijim:

[Tenderi i juaj] është i papërgjegjshëm Administrativisht

☐ **Nuk i keni përmbushur kërkesat Administrative**

ARSYETIM

Tenderi juaj është refuzuar për këto arsye:

- ☐ Ju si GOE-ik nuk keni dorëzuar specifikimet teknike të cilat kanë qene të bashkëngjitura me dosjen e tenderit (Aneksi 1. SPECIFIKIMET TEKNIKE TË DETYRUESHME - Sipas përshkrimit teknik - Paramaset dhe skicave të projektit të bashkëngjitura në DT), andaj tenderi juaj është refuzuar duke u bazuar në UDHËZUESIN Nr. 001/2023 PËR PROKURIMIN PUBLIK, UDHËZUES Nr. 002/2024, PËR PLOTËSIM NDRYSHIMIN E UDHËZUESIT Nr. 001/2023 PËR PROKURIMIN PUBLIK, ku thuhet: **“Mungon specifikacioni teknik për mallrat e ofruara dhe katalogu (“specifikimet teknik”)- AK përcakton kërkesat minimale dhe maksimale të një produkti, ndërsa OE duhet të dorëzoj**

specifikimin e detajuar të mallrave të ofruara. Përveç në rastet kur OE nuk mund të dorëzoj specifikimin teknik të një produkti të caktuar p.sh. peme/ përime etj. OE dorëzon deklaratën ku deklaron se mallrat do të jenë në përputhje me specifikimin e kërkuar)

Veprimi: Refuzo tenderin pa kërkuar informacion të mëtejshëm, Neni 28 i LPP-së Aneksi 1 është pjesë përbërëse e DT-së.

Ju si GOE-ik keni paraqitur ofertë që përmban pozicione me çmime anormalisht të ulëta dhe përmes B41- Letër Standarde e kërkesës për informata mbi tenderët jo-normalisht të ulët me datë 20.10.2025 Në përputhje me nenin 61 të Ligjit nr. 04/L-042 për Prokurimin Publik dhe Rregulloren e Prokurimit Publik, paragrafi 41.6. Autoriteti Kontraktues ka kërkuar që të paraqisni me shkrim sqarimet e nevojshme dhe arsyetimin e detajuar për formimin e çmimeve për pozicionet që janë identifikuar si çmime potencialisht anormalisht të ulëta.

Ju si GOE-ik jeni përgjigjur me datë 21.10.2025. AK konsideron se Sqarimet e ofruara nga ana juaj janë të papranueshme për AK-në

Ju sipas sqarimeve të datës: 21.10.2025 keni cekur si në vijim:

Në lidhje me kërkesën tuaj për sqarim të çmimeve të ofertuara në këtë projekt, theksojmë se ne si operator ekonomik jemi të betuar me deklaratë të nënshkruar me shkrim se të gjitha pozicionet e kërkuara do të realizohen plotësisht sipas projektit dhe kërkesave të organit kompetent.

Sipas dokumenteve të ofruar nga ana juaj me rastin e ofertimit nuk ka asnjë deklaratë ku ju jeni zotuar se të gjitha pozicionet e kërkuara do të realizohen plotësisht sipas projektit.

Ju si GOE-ik- nuk keni ofruar sqarime bindëse për AK-në sepse sqarimet e ofruara si me poshtë nuk janë relevante në këtë fazë dhe nuk janë të ofruara siç keni deklaruar në letrën sqaruese të dërguar nga ju me datë: 21.10.2025 ku keni theksuar se keni dorëzuar sigurimin e ekzekutimit të kontratës:

SQARIM: ky dokumente dorëzohet me rastin e nënshkrimit të kontratës dhe jo në këtë fazë. Po ashtu ju vete keni deklaruar se keni ofruar çmime të ulëta për shkak të konkurrencës.

Ju si GOE-ik- nuk keni ofruar dëshmi bindëse – të mjaftueshme në lidhje me sqarimin e pozicionit nr 1 të paramasës sepse çmimi juaj është abnormalisht i ulët për këtë pozicion ku ju edhe sipas sqarimeve vetëm keni theksuar se keni marrëveshje vjetore prej 5,000.00 euro me inxhinierin z.Agron Shabani por sipas marrëveshjes së bashkëpunimit nuk ceket askund mënyra e pagesës e po ashtu edhe sipas Deklaratës së ofruar nga vete inxhinieri nuk e ceke mënyrën e pagesës dhe arsyeshmërinë e çmimit të vendosur andaj ky sqarim nga ana juaj nuk është i pranueshëm për AK.

Ju si GOE-ik për pozicionet 3,4 dhe 5 nuk keni ofruar sqarime bindëse sipas kërkesës së AK sepse sqarimet e ofruar nga ana juaj nuk janë të ofruara sakte për secilin material dhe pozicion siç është specifikuar në përshkrim, andaj edhe sqarimi juaj që keni stoqe nuk është bindës sepse nuk keni ofruar dëshmi përveç fotove që nuk janë dëshmi bindëse për AK-ne.

Andaj për arsye të cekura më lartë jeni eliminuar nga ky Aktivitet i Prokurimit.

Lidhur me pretendimet ankimore të parashtruesit sa i përket arsyeve eliminuese të prezantuara në letrën standarde përmes të cilit parashtruesi është eliminuar si i papërgjegjshëm, është gjetur që arsyet e evidentuara nga komisioni vlerësues për eliminimin e parashtruesit si të papërgjegjshëm janë të sakta, të matshme dhe të ligjshme. Rrjedhimisht është gjetur se eliminimi i parashtruesit është bërë në mënyrë të drejtë. Ndërsa sa i përket pretendimeve ankimore lidhur me tenderuesit e tjerë është gjetur se përderisa vet parashtruesi ka dorëzuar ofertë të papërgjegjshme, i njëjti nuk mund të trajtohet fare si palë e interesuar në kuptim të nenit 4 par. 1 nënpar. 26 të LPP. Përndryshe oferta e dorëzuar nga tenderuesi i rekomanduar është në përputhje të plotë me të gjitha kërkesat e DT si dhe specifikat teknike të DT. Në këtë mënyrë është gjetur se parashtruesi ka dorëzuar ofertë të papërgjegjshme për të cilën me të drejtë është eliminuar nga aktiviteti i prokurimit ndërsa të gjitha pretendimet e tij ankimore janë të pabazuara.

Nga sa u tha më sipër është gjetur se parashtruesi nuk ka paraqitur argumente të qëndrueshme për të mbështetur pretendimet e tij. Prandaj kërkesa për rishqyrtim e parashtruesit është refuzuar si e pabazuar në tërësi.

Për pikën I dhe II të këtij vendimi është vendosur duke u bazuar në nenin 63 par. 63.1.1. nënparagrafin b) lidhur me nenin 62 par. 62.1. nënparagrafin d) të Rregullores nr. 001/2022 për Prokurimin Publik. Për pikën III dhe IV të këtij vendimi është vendosur duke u bazuar në nenin 63 par. 63.2. të Rregullores nr. 001/2022 për Prokurimin Publik.

Bazuar në të thënat më sipër është vendosur si në dispozitiv të këtij aktvendimi.

Prishtinë, 17.11.2025

Visar SHEHU



Udhëheqës i Sektorit të Prokurimit
Komuna e Prishtinës

Këshillë juridike:

Pala e pakënaqur me këtë vendim mund të paraqes ankesë pranë Organit Shqyrtues të Prokurimit brenda afatit prej dhjetë (10) ditëve pas pranimi të këtij vendimi.